

Gikuyu - Ūumīrīru Maandīko - Comfort Scriptures

2 aKorintho 1:2-4 Wega na thaayū wa Ngai Ithe witū o na wa Mwathani Jesū Kristū irogīa na inyuī. 3 Rekeei tūcookerie Ngai na Ithe wa Mwathani witū Jesū Kristū ngaatho, o we Ithe witū wī tha na nī we Ngai ūrīa ūheanaga ūumīrīru wothe! 4 We nīatūūmagīrīria mathīnainī maitū moothe nīguo o na ithuī tūkahota kūmīrīria andū arī angī hīndī īrīa me na mathīna o ūrīa mathīna macio mangīkorwo matarii. Nītūmoomagīrīria na ūumīrīru ūrīa tūmagīrīrio naguo nī Ngai.

Thimo 15:13 Hīndī īrīa mündū akeneete, o na gīthiithi nīkīonanagia, īndī e na kīeha aikaraga arī mūritūhīre ngoro.

1 Athamaki 8:66 Naguo mūthenya wa īnaana akīmarekereria mainūke kwao mīciī. Nao makīgaathīrīria mūthamaki na makīnūka makeneete nī ūndū wa iraathimo iria MWATHANI aaraathimīte ndungata yake Daudi nacio o na andū aake a Israeli.

1 Maūndū ma Matukū ma Tene 16:10 Kenaai tondū tūrī aake; arī oothe mamūthaathayagia nīmacanjamūke!

Thimo 12:25 Kīeha gīkaragia ngoro īrī nditū, īndī kwarīrio wega gūtūmaga mündū akene.

Thimo 13:12 Ūndū mwīrīgīrīre waga kūhinga nīragaga mündū ngoro, no ūndū mwīrīgīrīre wahinga nīkenagia mündū.

Isaia 30:26 Mweri ūkaara o ta riūa; naguo ūtheri wa riūa ūkorwo na hinya maita mūgwanja, kana ūtheri wa mīthenya mūgwanja ūturanīirwo hamwe. Hīndī īyo MWATHANI nīakooha ironda na ahonie nguraro iria eekīrīte andū aake.

Hosea 13:8 Ngūmūgurumūkīra o ta nduba ituunyīitwo twana twayo ndīmūtamburange biū. Ngūmūrīra o hau mūrī o ta mūrūūthi, na ndīmūtinangie tūcunjī tūcunjī o ta ūrīa nyamū ya gīthaka ūkaga.

1 Samūeli 1:8-10 Mūthuriwe Elikana agakīmūūragia atīrī, "Hana, ūrarīrio nī kīrī? Ūrarega kūrīa nīkī? Ūikaraga wī na kīeha ūguo nīkī? Githī ndirī bata harī we gūkīra aariū ikūmi?" 9/10 Mūthenya ūmwe, marīkkia kūrīa irio ciao marī nyūmbainī ya MWATHANI kū Shilo, Hana akīrūūgama. Nīatangīkīte mūno ngoro, na akīrīra e na ruwo rūnene mūno rīrīa aahooyaga MWATHANI. Hīndī īyo, Eli mūthīnjīri Ngai aikarīire gītī gīake hakuhī na mūrango wa Hekaarū ya MWATHANI.

Thaburi 25:16,17 Hūgūkīra, MWATHANI, na ūringwo nī tha nī gūkorwo ndī na ihooru, o na ndīmūnyamaarīku. 17 Hooreria ngoro yakwa, na ūndute mathīnainī maakwa moothe.

Thaburi 34:18 MWATHANI akoragwo hakuhī na arī makuīte ngoro, na nīahonokagia arī mwīhoko wao ūthirīte.

Thaburi 38:8 Ndirī na hinya o na mūnyiinyi, na ndīmūhehenje o biū;

nīndangikīite ngoro, na nīndiracaaya nī ruwo.

Thaburi 55:4 Ngoro yakwa ūrī na ruwo rūingī; guoya wa gīkuū nīñgomeire.

Thaburi 61:2,3 Ndīragūkaïra njūrītwo nī hinya ngoro na ndī kūraaya mūno na mūciī. Haicia igūrū wa ndūmba ya ihiga harīa itangīona ūgwati, 3 nī gūkorwo wee nī we mūmenyereri, mūnaara wakwa ūtangīenyenyeka wa kwīgitīra kuuma harī thū ciakwa.

Thaburi 62:8 Andū aakwa, mwīhokageei Ngai mahinda moothe; mūmenyithagie i mathīina maanyu moothe, nī gūkorwo nī we handū haitū ha gwītharīra.

Thaburi 73:26 Mwīrī wakwa na ngoro no ciage hinya, no ūrīrī, Ngai nī we hinya wakwa; no we wiki tu mbatairio nī we.

Thaburi 77:2,3 Rīrīa ndī mathīnainī-rī, hooyaga MWATHANI; ndīmūhooyaga ūtukū wothe nyambararītie mooko maakwa na igūrū, no ūrīrī, ndahooragīria. 3 Ndīciiragia igūrū rīa Ngai, ngatangīka; ndamūtarania ngoorwo nī hinya.

Thaburi 86:11 MWATHANI, nduta ūrīa ūkwenda njīkage, na niī nīndīrgwathīkagīra na wīhokeku; nduta gūgūtungata ndīrūtīire kūna.

Thaburi 109:22 Nī gūkorwo ndī mūthīni na nīmbataire, na ngaiguithio ruwo o ngoro thīnī.

Thaburi 112:7,8 Ndainainagio nī ndūmīrīri njūru; wītīkio wake nī mūrūmu, na aikaraga ehoneete o MWATHANI. 8 Aikaraga oomīrīrie na ndetigagīra, o nginya akoona thū ciate ikīhootwo.

Thaburi 143:4 Tondū ūcio nīhootekeete; nīndeete mwīhoko o biū.

Thaburi 147:3 Nīahonagia arī ahinyaru na akamooha ironda ciao.

Thimo 14:30 Thaayū wa ngoro ūtūmaga mwīrī ūgīe na hinya, ūndī ūiru nī ta woru wī mahīndīnī.

Kohelethu 1:13 Nīndatuire atī nīngūbaara na ndūrie maündū moothe marīa meekagwo gūkū thī. Ngai nīatūnengerire maündū matarī meega tūtangagwo nī mo.

Kohelethu 2:10 Ingīabataririo nī kīndū o nakī, nīndakīonaga, na ndieimaga ikeno cia mīthembā yothe, na ngoro yakwa nīyaiguaga ūkeneetio nī wīra wakwa na ūcio nīguo wakīrī mūcaara wakwa.

Kohelethu 2:22,23 Mūndū-rī, nī kī arī nakīo thuutha wa kwīnogia na gwīthīnia rīrīa ekūruta wīra gūkū thī? 23 Matukū moothe ma ūtūrō wake makoragwo na mathīna maingī mūno, na mītangīko yake nī ya kūmūreehere kīha. O na ūtukū, meciiria maake matihurūkaga. O na ūguo wothe no tūhū.

Kohelethu 11:10 Eheria kīha gīothe ngoroinī yaku, na weherie mathīna moothe mwīrīnī waku. Amu ūnyiinyi na wīthī no cia tūhū.

Isaia 30:29 No inyuī mūkaina mūkeneete, o ta ūrīa mwīkaga ūtukū ūrīa gūkoragwo thigūkū theru kana ta rīrīa andū mathiaga makīinaga gūkiuhuagwo mītūrīrū, meerekeire kīrīmainī kīa MWATHANI, o we

mūhonokia wa Israeli.

Isaia 57:15 Nī gūkorwo Ngai Ūria Ūri Igūrū, o we ūtūraga tene na tene, na rūtwa rīake nī rītheru, aroiga atīrī, “Niī ndūraga igūrū kūrīa gūtheru no ningī nīngoragwo hamwe na andū arīa enyihia na arīa merirīte, nī geetha njookerie mīoyo na ngoro ciao hinya.

Isaia 65:14 Arīa mandungatagīra mariinaga makīrūhagia, no inyuī mūrīrīga na mūgeethikīra.

Isaia 66:13,14 O ta ūria mwana oomagīrīrio nī nyina, noguo na nīi ndīmūumīrīria. Ndīrīmūumīrīria mūrī o kū Jerusalemu. 14 Mūrīonaga maündū macio magīkīka mūgakena, mūgaikara mūrī na hinya na mūrī agima. Nīmūrīmenyaga atī nīndeithagia arīa mandungataga, na ngaherithia thū ciakwa.”

Jeremia 15:16 Wanjarīirie, na nīi ngīgūthikīrīria wega; ciugo ciaku igītūma ngene na njanjamūke, nīkūmenya atī ndī waku, wee MWATHANI Ngai Mwene Hinya Wothe.

Jeremia 24:7 Nīngūmahe ngoro ya kūmenya atī nīi nīi MWATHANI.

Megūtuīka andū aakwa, na nīi ndūike Ngai wao, tondū nīmekūnjookerera na ngoro yothe.”

Johana 14:1 Jesū akīmeera atīrī, “Mūtigatangīke ngoro, ītīkiai Ngai, o na nīi mūnjītīkie.

Johana 14:27 “Thaayū nīguo ngūmūtigīra; thaayū wakwa nīguo ndamūhe. No ndikūmūhe thaayū taūrīa andū a thī maheanaga. Mūtigatangīke ngoro, o na kana mūigue guoya.

Johana 16:6 Tondū rīu nīndamwīra maündū macio, ngoro cianyu nīciyūrītīwo nī kīeha.

Johana 16:22 Kwoguo inyuī rīu mwī na kīeha, no nīngaamuona rīngī, na hīndī īyo ngoro cianyu nīikaiyūrwo nī gīkeno, gīkeno kīrīa gītarī mūndū ūngīmūtuunya.

Atūmwo 2:46 O mūthenya nīmaathiaga Hekaarūnī hamwe, na makenyūra mīgate mīcīinī yao, makarīanagīra makeneete na me na ngoro theru,

aRoma 9:2 Ndī na kīeha kīnene na ruwo ngoroinī,

2 aKorintho 2:4 “Nī gūkorwo rīrīa ndamwandīkīire ndamwandīkīire ndī na kīeha na thīna mūnene wa ngoro, ngīitaga maithori; ndiamwandīkīira nī geetha mūmake, no nī geetha mūmenye ūria ndīmwendeete na wendo mūnene.”

aEfeso 5:19 Aranagīriai mūndū na ūria ūngī na ciugo cia thaburi, na cia nyīmbo cia Ngai, na cia nyīmbo cia kīroho, mūgīcookagīria Mwathani ngaatho na mūkīmūinagīra na ngoro yothe.